

ادبیات عمومی و تاریخی

هفته‌لق سیاسی ، ادبی ، علمی غزته‌در

جلد : ۳

سنه : ۲۹ ۲ رجب ۱۳۳۶ جمعه ایرتنی ۱۱ مایس ۱۹۱۸ نوسرو ۴۶ — ۶۷

اجمال افکار

تورکچیلک و ملتچیلر

— سز ترکیسکیز ونه وقتدن بری ؟ — تپه‌دن طیرناغه قدر ترکم و قالوا بلیدن بری . وطنم ، ملتیم ، لسانیم ، وجدانیم مستعار دکلدیر . ترک وطنندن بشقه وطن ، ترک ملتندن بشقه ملت ، ترکجه‌دن بشقه دیل ، ترکلرک وجدان عمومیسندن بشقه وجدان ، حتی اذعان وایقان ، ترک دینی اولان مسلمانلقدن بشقه مذهب و ایمان بیلیم . مسائل ملیه‌ده — مع التأسف — بر آزده طرفدار افراطیم . نظریه اولق اعتباریه جهان بریه لکنی قبول ایده بیلر سه‌م‌ده سائر برایای جهان بو حقیقتی هنوز تصدیق ایتمدکلرندن ، زما نمزده ملیت اقنومنی اقامیم سائرده ترجیح ایتمک اضطرارنده‌یم .

— سز خلقلک خیر خواهی میسکیز ؟ — اوت ! لکن خیرخواه کله‌سنی بر آز بالا پروازاته بولورم . جمهورک ، حتی ، خدمتکاری‌یم . غایم عامه‌نک تعالیسیدر . ایستهرم‌که عوام ، سویه خواصه یاقلاشین . بولوندیغی وضعیتدن چیقسون . خلق ، آریستوقرات اولسون . لهستانده نجیایی ، برتاریخده ، ده موقراتلاشمغه قویولا جقلرینه ، خلقی تحجیب ایتمشیر . نه کوزل حرکت ! آرزو ایدرم‌که بلا استثنا هر ترکنجیب واصل اولسون . عواممز تعالی ایتمسون .

محترم جلال نوری پاك افندی !
 سزه پاك كنچ ، فقط پاك فياض بر طبيعته مالك بر شياهر تقديم ايديورم . گنديبي دوقتوردر .
 جناب شهاب الدين بكك منظوري اولان بو شعرلري موي اليه تقدير ايتمشدر . بنده كنز بوسبوتون
 سوبزه قتيغ و اسلوب و ترتيب اعتباريله (اصل original يا خود بداعي) بولديم اچون بكنيورم
 و كال امنيت ايله آتايه توديع ايديورم افندم ! احترامات !

رضا نوفي

لسان

بن بر مليكه يم كه ، تفكر ، اويونجاغم !

طبيعتك ، او مكدور نظري مختراكت ،
 صميم روحي كورمك ، پرستش ايتك ايجين
 ياراتديني ، كوچوك آينه ، كوچوك دماغ بشر ،
 زواللي ،
 اور تولودور صاحلمله سرتاسر...

و
 طبيعتك او پر اسرار روحي ظيله ،
 بني عكس ايتديرر ،
 بوناзли قيزي ،

كه لبلرندن اينه نور . . رحيق غفلتدر ،
 هر اينجه تل صاحبي برسر كوني بند ايتمش ؛
 هر عكس لرزشي ابهام ؛ روحي برلرزش .

بن بر مليكه يم كه تفكر اويونجاغم !

هه ي ،
 اتيكارمده كي شعر اينجيسيله اوينايان عاشق !
 اونكله نورديكك افسونلي تاج صنعتي كه ي ؛
 نه كيل شو آينه يه ، مست ايت ؛ اويانماسين آرتق !

سنده اُی مبدع ، ایستہ یورسہک کہ ،
آینہک اوستندہ کوزلرک دالین ..
بکله کہ ، تا ، او سحر ابداعک
یاسین الماس ، سرتسر تخی ..

خیمہ خیمہ

» پان « [۴]

اورادہ ، بہارک کلدیکی یرلردہ
کل باغچہ لریلہ صحرالر کنیشلر ؛
رؤیالی کوللرہ یریلر سحرده
شن کولکلریلہ بیک افسانہ ایشلر ..

یوصونلی قایادن فیشقیران منبعار
صولارلر » ہەرکول « کزدیکی جنی ؛
یکی برجنبشہ حاضر لانان باغلر
اولدورر کونشدہ مور ئوزوملرینی ..

کولکلر اوزارکن صحرالرہ دوغرو
ہجرانلر آعلارکن سودالی روز کارده ؛
اورادہ ہر آقشام منزوی بر آہو
باقار لال عکسنہ قارا کلک صولردہ ..

مسی فکی

[۵] یونان اساطیرندہ اورمانلر الہی ..

(آنی) مطبعہ سی

مدیر : [کریدی احمد ساقی]